

焉至靈山一邑居萬山之中接廣西宣化新
寧永淳橫州貴縣興業博白等州縣之界深
山大澤地廣人稀防禦孔亟舊係廉州營遊
擊撥守備分防今則廉營遞年輪撥千總一
員防守耳總而論之合浦東路之永安西路
之冠頭嶺大觀港欽州之防城牙山金鼓嘴
皆海島要害自應分旂巡防時時加謹若夫
三廉之依山設險禦盜防奸隨地設備是在
當事者運籌之善耳

--	--	--	--	--	--	--	--	--	--

廉州府志卷之七

知廉州府事紀錄十次襄平徐成棟纂修

同知廉州府事加三級嘉禾孫燾校正

合浦縣知縣現奉行取高陽韓三異

欽州知州遼陽董紹美全閱

合浦縣知縣遼陽鈕廷彩全閱

靈山縣知縣沈丘唐開運全閱

秩官志

官制因時崇卑異秩然宣猷分理司政司教

下及抱關委吏均為民而設也列其姓字系

其邑里百世之遠且指之曰某也芳某也穢

操政在于一時臧否垂于後鑒可弗慎哉志
秩官

海北道係提刑按察分司風憲之官有專敕
舊加欽差二字帶銜整飭兵備分巡海北兼
管珠池云嘗考東粵章程各道守巡信地方
面重臣駐劄一方保障所係若江浙廣西等
處每府分劄一員亦通例也廣東爲嶺表之
一區大廉又東南之邊幅所轄山海環錯皆
盜藪也可不爲緩急之備乎自元置海北道

有肅政廉訪司爲一路於雷州府及明取廣
東海之南北皆嚮風焉官制海北分巡始於
洪武之三十五年也成化四年加整飭兵備
副使一員弘治十年又以分巡兼兵備之權
改鎮廉州府正德二年猺狼多事移靈山縣
以鎮之嘉靖十年遂兼領管珠池之敕隆慶
初海寇猖獗尋復坐鎮廉州府時安吉張公
士純由北科遷官夫以諫臣外補其爲經畧
至計材非老成不可也公方正嚴肅人無敢

干以私處藩司之地兢兢奉三尺於是嶺海
清寧民賴以安然分守之駐劄雷州府分巡
之駐劄廉州府往來靈山縣則兵巡之隨宜
移劄亦一時之急務與分守道兼海南海北
而總理之不同事矣嗟乎嶺海多艱政先體
要專干城於魏公重鎖鑰於寇老有幹旋宇
宙之才則可以奠生靈矣有靜鎮世風之度
則可以佐廟謨矣昔歐陽修言將領之才旗
鼓之節爲訓齊精練之法至於弭盜以安民

賈琮之治狀可尋也范祖禹弭盜之術可講也故得一良部如得勝兵三千萬人則丘文

莊之所謂得人信非老成之材不可也

陶九疇 洪武五年任有天涯亭記

其澤 魏縣人副使正統五年任築靈山城

李駿 會稽人進士景泰五年任僉事

毛吉 餘姚人景泰甲戌進士天順五年任有平賊功見名宦

顏儼 上元縣人儒士成化元年任

林錦 連江人舉人僉事成化十二年任見名宦

翁俊

橫州衛人成化丙戌進士副使十六年任

翁宴

侯官人成化丙戌進士十七年任副使

王經

長洲人成化壬辰進士弘治元年任

李德美

莆田人成化戊戌進士弘治五年任

王希旦

京山縣人成化丁未進士弘治十一年任

方良永

莆田人弘治庚戌進士弘治十四年任

鄧槩

新淦人成化進士弘治十八年任有討賊黃師荀功

李希顏

華亭人弘治癸未進士正德元年任

李瑾

山陰人弘治癸丑進士正德三年任

李志剛

成都府人由進士正德六年任以擢
廖公廣功陞左布政

王弘

六合人弘治癸丑進士正德七年任
副吏

盧學書

靖江人弘治壬戌進士正德十一年
任

汪克章

餘姚人正德戊辰進士十二年任

李階

永嘉人正德辛未進士

楊崇

歐寧人由舉人嘉靖三年任

商大節

嘉靖癸未進士五年任累官副使都
御史

王廷翰

直隸人正德進士嘉靖七年任

劉道

萬安人嘉靖癸未進士五年任

陸澄 歸安人正德丁丑進士嘉靖九年任

鄭元璋 閩縣人嘉靖丙戌進士十年任

王崇 永康人嘉靖己丑進士十三年任累官兵部左侍郎

孫世祐 豐城人嘉靖己丑進士十七年任累官戶部左侍郎

林希元 同安人正德丁丑進士嘉靖十九年任

翁溥 諸暨人嘉靖己丑進士二十年任累官刑部尚書

劉士賢 南昌人嘉靖壬戌進士二十三年任

陳崇慶 武進人乙未進士二十五年任

曾燧 麻城人癸未進士二十九年任